

“We are back ... at last”, e disco compacto nobo di Claudius Philips a yega

ORANJESTAD - Cu gran satisfaccion e representante di e conocido artista Claudius Philips ta anuncia cu a yega Aruba finalmente, despues di dos aña e CD di e master “Claudius Philips y Oreó”.

E disco compacto ta un magnifico trabou pa cu su caratula dunando e producto aki un toque internacional y cu ta diseña pa e artista local John de Cuba. E CD ta contene 12 tema nobo nobo; cu ta composicion, areglo y voz di Claudius Philips.

Esaki ta un logro hopi importante p’e artista ya cu no ta solamente e disco compacto number 12 di dje, pero e ta e programa grabacion realisa

completamente den su propio studio di grabacion cu el a diseña, cumpra y maneha “CAP’s Recording Studio”.

E disco compacto aki a wordo mescala pa e mannan profesional, esta e principe di Aruba Hildward Croes. Fuera di e cancionnan conoci manera “Gana”, e tema masha gusta y exitoso na comienso di aña “Cuchu Cuchu”; y e actual cancion cu ta cosechando exito dia tras dia for di e copia promocional “Haciendo Cos Romantico”, popularmente yama “Bela”. “We are back...at last” ta contene tambe cancionnan manera “Overtimes”, “Curazon”, “Cuanto mi Stimabo”.

Un cantidad hopi limita di e CD aki a yega Aruba y a wordo distribui pa e disco-shop. Dene prome lote aki tambe a ser manda ya caba pa Corsow unda tin un demanda grandi p’e artista su disco compacto nobo.

Claudius Philips a duna di conoce su mes cu Oreó. Possee crew ta programando e bautizo oficial muy probablemente diasabra awor den Contempo, unda lo tin un cantidad di sorpresa adicional.

Palabranan di pabien pa Aruba su maximo talento Claudius Philips pa cu e tremendo produccion aki... Ta bale la pena warda pa un CD asina bon traha.

